

کتاب طبری

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئولی

ابو العلاء زین العابدین

تاریخ تأسیسی

۱۳۳۰

عدد : ۹ ۳۰ رمضان سنه ۱۳۳۰ پنجشنبه ۳۰ اغستوس ۱۳۲۸ برنجی جلد

والمانيا وفرنسه وایتالیا و آوستریا دولتری طرفندن دولت علیه صرستان وقرهطاغ متارکه لرینه اجبار اولندی . متعاقباً استانبولده دولت علیه وانکتره و اوستریا وفرنسه وایتالیا وروسیه و المانیا دولتری مرخصلرندن مترکب بر مجلس مکالمه [قونفرانس] انعقاد ایدر . تقرر ایدن احوال دولت علیه نک استقلال و محوینه مؤدی شرائط مالایطاقی جامع اولغله دولت قرار واقعی بحق رد ایدر و برطرفندن قانون اساسی بی اعلان ایلر . متعاقباً روسیه نک الحاح واصراریله لوندرده امضا اولنان پروتوقول مندرجاتی ده مجلس مکالمه مقررانتک بر شق دیکری اولدیغندن حکومت سنیه نزدنده بودخی جای قبول کورمن . روسیه دولتی دولت علیه بی بوکی وسائل ایله قبول آمالنه آماده کوره مینجه ارتق صبر و آرامی توکهنه نک کشف نقابله بتون بتون میدان علانیه آتیلور و دولته ظاهراً جاری اولان مناسبتی دخی کلیاً قطع ایلدوب اعلان حرب ایدر .

برکت زاده اسماعیل حق

بقای سلطنت عثمانیه

دمشق الشام مفتیمی استاد جلیل القدر محمود حمزه افندی مرحومک مصنفاتندن اولوب اخوان کرام عربک ایدی* تحیلنده تداول ایلکده بولنان « البرهان علی بقاء ملک بنی عثمان الی آخر الزمان » نام رساله نفیسه نک نفی بتون امته عام وشامل اولمق اوزره لسان عثمانیه ترجمه سی آرزو ایتدم . و ذکر و یاد اولنه جنی زمان اسمی دیله خفیف کلک ایچون ترجمه نک « بقای سلطنت عثمانیه » نامیه توسیمنی مناسب کوردم .

فن اصول حدیثه آشنا اولانلرجه معلوم اولدیغی وجه ایله اسانید احادیثک تضمن ایلدیکی صیغ اداده وحالات سائرده اهل فنک نیجه مصطلحاتی اولدیغنه وهر تعبیر مصطلحک مفاد مخصوصی بولندیغنه مبنی اصل رساله ده برای استشهد نقل ایدلش اولان احادیث

شریفه‌نک ذکر اولئان سندلرینک ترجمهلرنده انشامزک اسلوبنه‌نک مقتضاسی ترجیح اولنه‌رق اصلک مؤداسی محافظه ایدلمشدر .

ترجمه بنام خدا بوجه آتی ابدال اولنور :

عبادنن دیله‌دیگنی تاج سلطنت ایله معزز و کامران و تقریر آسایش عالم حکمت بالغه‌سنه مبنی روی زمینده اقامه حکمداران ایدن جناب مالک‌الملکی تنزیه و تفضیم و رهنمای سعادت دارین اولان ذات حضرت رسالت‌ناه صلی‌الله‌علیه وسلم افندمنزه آل و اصحاب امجادینه صلاوة و سلام عرض و تقدیم ایلدگدن صکره دمشق الشام مفتیسی محمود بن حمزه دیرکه رب منان اسلام و اسلامیانی‌تی‌بوز سنه‌دن زیاده مدت‌نبری آل عثمان ملوک فخامیه تأییدایش و کندیلرینه‌ده السنه اقلامک حصر و احاطه‌سندن عاجز بولندینی نیجه مزایا و عطایا ایله ممتاز قلمشدر .

ملوک مشار‌الیه‌مه احسان اولئان اعظم عطایای الهیه و احسانات مشکوره ربانیه‌دن بری کندیلرینک ملک و سلطنتده عراق و اصال‌ت‌لریدر ، چونکه خاندان جلیل‌العنوان عثمانیدن الی وقتنا هذا اوتوز درت پادشاه ذیشان [۱] اریکه پیرای خلافت و شرف افزای تاج سلطنت اولمشدرکه هر بری یکنسق اوله‌رق السلطان ابن السلطان ، الحاقان ابن الحاقاندر . سلاطین مشار‌الیه‌م حقلرنده لمعه نثار اختصاص اولان بو عنایت جلیله صمدانیه و عهداً بعد عهد توالی و تجدد ایدن شو نجات مسلسله عالیه ایله متصف نه ایام اسلامده ونه زمان جاهلیته هیج بر حکمدار معلوم دکلدرد .

بو برامر حیرت‌فزا و اتفاق غراب‌نمادر . آل مشار‌الیه‌مک عنوان مجد و شوکت‌لری دها نیجه فضائل ایله زینت آرای‌السنه احترام و اعتبار قدرت و سطوت‌لری مرجع عامه انام اولمشدرکه کیت خامه سمت ختامه تقرب ایلدیکی هنکامده بعضیلری یاد اولنه‌جقدر .

بعض دانشورانی ملت اسلامیه‌نک وهننه دائر براندیشه یهوده و بروسوسه باطله ایچنده کوردیکمدن بروسوسه‌نک صدق و صوابدن بری وحیه حقیقتدن کلیاً عاری صرف خطرات شیطانیه اولدیغنی و دولت اسلامیه‌نک شوکت و قوتی الی آخر الزمان منقضی اولیه‌جغنی و حکمداران ملت اسلامیه الی انقضاء الدوران انجق آل عثمان شیدالله ارکانهم حضراتی اوله‌جغنی کندیلرینه بیان ایلدم .

[۱] رساله‌نک زمان تألیغه مصادف بیک اوچبوز درت سنه‌سنه نسبت ایلهدرد - لامترجم .

بن بونی معاذالله تنجیم ویاخود حساب طریقیله یاخود رجم بالغیب اوله رق سویله میورم
کتاب الله ورسول رب العالمینک حدیثنه و علمای اعلامک کلام منقوللرینه استناداً
سویله یورم . اکر بوبابده آرزومند تفصیلات ایسه ک ایکی باب ایله برخامه اوزرینه ترتیب
ایدوب « آل عثمانک الی آخر الزمان بقای ملک و سلطنتلرینه برهان » نامیله توسیم ایلدیکم
شو رساله ده سکا تلاوت اولنه جق نقول وشواهدہ احاله کوش دقت ایت .

برکت زاده اسماعیل حق



حقوق

امتحان حاضر لقلری

۷

مفروق تصرفیه اراضی مفروضه لری

ملکتمزده حقوق تصرفیه اراضی ؛ حقوق خصوصیه [*] استثنائیه [**] دندر .

[*] زبرا افراد بیننده کی معاملاتہ تعلق ایدیور .

[**] اقسام اراضیدن بعضلرینه متعلق احکام مرعیه حاضرہ حقوق مدنیہ من خارجنده برسلسله قواعد اولوب تجارت قانونی کی ماهیت استثنائیه بی حائزدر .